#### ISSN 0002-306X. ՀԳԱԱ և ՀԱՊՀ Տեղ. Տեխն. գիտ. սերիա. 2019. Հ. LXXII, N1.

### <u> Հ</u>ՏԴ 539.374

#### ՄԵՔԵՆԱՇԻՆՈՒԹՅՈՒՆ

# Գ.Լ. ՊԵՏՐՈՍՅԱՆ, Մ.Ա. ՄԱՐԳԱՐՅԱՆ, Գ.Գ. ՎԱՐԴԱՆՅԱՆ, Ա.Ա. ԲԱԲԱՅԱՆ ԲԱՐԱԿԱՊԱՏ ԵՌԱԿԱԼՎԱԾ ԽՈՂՈՎԱԿԻ ԿՈՆԱԿԱՆ ՄԱՄԼԱՄԱՅՐՈՒՄ ԿՈՐՉԱՆՄԱՆ ԳՈՐԾԸՆԹԱՅԻ ՀԵՏԱՉՈՏՈՒՄԸ

Պարզեցված մեթոդով ուսումնասիրվել է եռակալված տարբեր նյութերից բարակապատ խողովակների կոնական մամլամայրում կորզանման գործընթացի լարվածադեֆորմացիոն վիձակը շփման բացակայության և առկայության դեպքերում։ Կիրառվել է մեթոդ, ըստ որի օգտագործվում են դրանց տարբեր ծակոտկենությունների դեպքերում հոսունության սահմանների լարումները, որոնք ֆունկցիա են հիմնանյութի հոսունության սահմանի լարումից ու նյութի ծակոտկենությունից։

Առաջարկվում է խողովակի դեֆորմացման աստիձանը որոշել ոչ միայն  $\varepsilon_i$  դեֆորմացիաների ինտենսիվությամբ, այլ նաև  $\varepsilon_{eq}$  դեֆորմացիաների համարժեքայինով, որի համար ստացվել է լարվածային վիձակի բաղադրիչները հաշվի առնող բանաձև։ Ծակոտկենության բացակայության և առկայության դեպքերում կատարված հաշվարկները ցույց են տալիս, որ փոքր դեֆորմացիաների դեպքերում դրանց արժեքները, մինչև 50% պլաստիկ դեֆորմացիան, բավականին մոտ են մեկը մյուսին, ինչը նշանակում է, որ այդ դեպքերում նյութի ընթացիկ ծակոտկենությունը որոշող բանաձևում կարելի է օգտագործել հոծ նյութերի համար կիրառվող ավելի պարզ  $\varepsilon_i$  տվյալները։ Թվային հաշվարկները կատարվել են MS EXEL ծրագրային միջավայրում 14<sup>0</sup> կոնականությամբ մամլամայրում բարակապատ իսողովակների կորզանման դեպքում։

**Առանցքային բառեր.** բարակապատ խողովակ, կորզանում, եռակալված նյութ, ծակոտկենություն, հիմնանյութ, չափազուրկ լարումներ, փոքր դեֆորմացիաներ։

Խողովակի դեֆորմացիան առանցքասիմետրիկ է։ Այդ պատձառով լարումները, դեֆորմացիաները և պատի հաստությունը կախված են միայն շառավղից։ Պտտման թաղանթի առանցքասիմետրիկ անմոմենտ բեռնավորման ժամանակ թաղանթի բոլոր կետերի լարվածային վիձակը հարթ է, իսկ σ<sub>m</sub> միջօրեականային և σ<sub>θ</sub> շրջանային լարումները գլխավոր լարումներ են։ Առանցքասիմետրիկ բեռնված պտտման թաղանթից գլխավոր հատույթներով կտրված տարրի հավասարակշռության հավասարումներն ունեն հետևյալ տեսքը [1-4].

$$\frac{d}{dr}(\sigma_m rh) - \sigma_t h + \frac{p_m r}{sina} = 0, \tag{1}$$

$$\frac{\sigma_m}{\rho_m} + \frac{\sigma_\theta}{\rho_\theta} = -\frac{p_v}{h},\tag{2}$$

որտեղ  $\rho_m$ - ը թաղանթի միջօրեական հատույթի կորության շառավիղն է,  $\rho_{\theta}$ - ն՝ միջօրեական աղեղին ուղղահայաց կոնական մակերևույթով հատված թաղանթի

կորության շառավիղը, r - ը` թաղանթի առանցքին տարված ուղղահայաց հատույթում շրջանագծի շառավիղը, հ - ը՝ թաղանթի պատի հաստությունը,  $p_m$  – ը և  $p_v$  – ն՝ միջօրեականի և նորմալի ուղղություններով բաշխված բեռնվածքի ինտենսիվությունները,  $\alpha -$ ն՝ մամյամայրի կոնականության անկյունը։

Կոնական մամլամայրում գլանական խողովակի դեֆորմացման դեպքում՝

$$\rho_m = \infty, \, \rho_\theta = r/\cos\alpha$$

Մասնավոր դեպքում՝ հոծ նյութերից խողովակի կոնական մամլամայրում կորզանման խնդրի լուծման համար օգտագործվում է նաև հետևյալ մոտարկված Միզեսի պլաստիկության պայմանը (ՊՊ) [2]՝

$$\sigma_m - \sigma_\theta = \mathbf{m} \, \sigma_h \,, \tag{3}$$

որտեղ m – ը Լոդեի գործակիցն է,  $\sigma_h$  – ը` նյութի հոսունության սահմանի լարումը, hul  $\sigma_m$  և  $\sigma_{\theta}$ -ρ` գլխավոր լարումները`  $\sigma_1 = \sigma_m$ ,  $\sigma_2 = 0$ ,  $\sigma_3 = \sigma_{\theta}$ : Այդ դեպքում (1) և (2) հավասարումների լուծումը նեկայացվում է հետևյալ տեսքով [1-4]`

$$d\sigma_m / [\sigma_m \mu ctg\alpha - m\sigma_h (1 + \mu ctg\alpha)] = dr/r, \tag{4}$$

որի ինտեգրումից հետո խողովակի կոնական մամլամայրում կորզանման դեպքու<br/>մ $\bar{\sigma}_m$ չափազուրկ միջօրեականի լարման որոշման համար ստացվ<br/>ում է հետևյալ բանաձևը՝

$$\bar{\sigma}_m = \frac{\sigma_m}{m\sigma_h} = \left(1 + \frac{1}{\mu ctg\alpha}\right) \left\{1 - \left(\frac{r}{r_0}\right)^{\mu ctg\alpha}\right\},\tag{5}$$

որտեղ  $r_0$ - ն մամլամայրի մուտքի մոտ խողովակի միջին շառավիղն է։ Շփման բացակայության դեպքում (5) – ից ստացվում է [2]՝

$$\bar{\sigma}_m = m \ln r_0 / r. \tag{6}$$

Ինչ վերաբերում է չափազուրկ շրջանային լարման որոշմանը, ապա դրա համար օգտագործվում է (3) բանաձևը՝

$$\bar{\sigma}_{\theta} = \bar{\sigma}_m - 1, \tag{7}$$

որտեղ  $\bar{\sigma}_m = \sigma_m / m \sigma_h$ ,  $\bar{\sigma}_{\theta} = \sigma_{\theta} / m \sigma_h$  և դրանց հիման վրա որոշվող գործնական կարևոր նշանակություն ունեցող տարբեր նյութերի  $\sigma_m$  և  $\sigma_{ heta}$  իրական լարումների արժեքներն են.

$$\sigma_m = \bar{\sigma}_m \, m \, \sigma_h \, \mathfrak{l} \, \sigma_\theta = \bar{\sigma}_\theta \, m \, \sigma_h \, : \tag{8}$$

Եռակալված նյութերից խողովակների պլաստիկ դեֆորմացման վերաբերյալ գիտական աշխատանքների վերլուծությունը [4,5] ցույց տվեց, որ կոնական մամլամայրերում և կալակների վրա եռակալված գլանական բարակապատ խողովակների դեֆորմացման տեսական հետազոտությունները հիմնված են ծակոտկեն նյութերի պլաստիկության հոսունության տեսության (ԾՆՊՀՏ) հավասարումների [4] վրա։ Սակայն այդ հետազոտությունները բարդ են և դժվար կիրառելի։ Հետևաբար, այդ բնագավառում կատարվող աշխատանքների պարզեցումը բավականին արդիական է։

**Աշխատանքի նպատակն է** ուսումնասիրել պարզեցված մեթոդով տարբեր եռակալված նյութերից խողովակների կոնական մամլամայրում կորզանման գործընթացի լարվածադեֆորմացիոն վիճակը շփման առկայության և բացակայության դեպքերում։

Oqwmqnpðtind (6) h (7) բանաձները դեֆորմացվող խողովակի r շատավղի տարբեր արժեքների համար՝ որոշենք  $\bar{\sigma}_m$ – ը h  $\bar{\sigma}_{\theta}$ – h, երբ  $m_1 = 1.1$ ,  $r_1 = 20 \ dd$  h  $r_0 = 40 \ dd$  (bh. 1): Աղ. 1–ում բերված են  $\bar{\sigma}_m$ – ի h  $\bar{\sigma}_{\theta}$ – ի հաշվարկային չափազուրկ, ինչպես նաև հիմնական  $\mathcal{E}_{\theta} = ln (r/r_0)$  շրջանային դեֆորմացիայի ու  $\varepsilon_i$  դեֆորմացիաների ինտենսիվության տվյալները։ Ընդ որում, ընդունելով գլխավոր դեֆորմացիայի արժեքները՝  $\varepsilon_1 = \varepsilon_m = -\varepsilon_{\theta}$ ,  $\varepsilon_2 = \varepsilon_v = 0$  h  $\varepsilon_3 = \varepsilon_{\theta}$ – ի (որտեղ  $\mathcal{E}_m$ – ը h  $\mathcal{E}_v$ - ն խողովակի միջօրեական և մակերևույթի նորմալի ուղղություններով լոգա-



Նկ. 1. Խողովակի կորզանման հաշվարկային սխեման

Աղյուսակ 1

$\overline{\sigma}_m$ -	- þ, ö	$\overline{\sigma}_{\theta} - I$	h, ε <sub>θ</sub> ·	- þ i	lı ε <sub>i</sub>	þ	шрðl	եքն	երը	nupp	tрr	- երլ	hŋl	եպքուս	l
-------------------------	--------	----------------------------------	---------------------	-------	-------------------	---	------	-----	-----	------	-----	-------	-----	--------	---

r, <i>úú</i>	$\frac{\mathbf{r}_0}{r}$	$\bar{\sigma}_m = \ln \frac{r_0}{r}$	$\bar{\sigma}_{\theta} = \bar{\sigma}_m - 1$	$\varepsilon_{\theta} = ln \left( r/r_{0} \right)$	$\varepsilon_i$
40	1	0	-1	0	0
35	1,14	0,134	-0,866	-0,134	0,154
30	1,33	0,288	-0,712	-0,288	0,333
25	1,60	0,470	-0,530	-0,470	0,543
20	2	0,693	-0,307	-0,693	0,800

Եռակալված խողովակի կոնական մամլամայրում պլաստիկ դեֆորմացման գործընթացների պարզեցված մեթոդով հետազոտման համար [6,7] կիրառենք ծակոտկեն չամրացվող նյութից լայն շերտի հարթ դեֆորմացիայի պայմաններում մաքուր պլաստիկ ծոման մեթոդը [7]։ Ընդ որում, շառավղային և շրջանային լարումների որոշման համար եռակալված նյութի ՊՊ ծակոտկեն նյութերի պլաստիկության դեֆորմացման տեսություն (ԾՆՊԴՏ) [7] հիման վրա ներկայացվում է հետևյալ տեսքով՝

$$\sqrt{\frac{1}{2}}[(\sigma_1 - \sigma_2)^2 + (\sigma_2 - \sigma_3)^2 + (\sigma_3 - \sigma_1)^2] + \alpha_0^m(\sigma_1 + \sigma_2 + \sigma_3)^2 = \beta^{n+0.5} \sigma_h, \quad (10)$$

որտեղ  $\alpha_0 = v_0$  - ն,  $\beta = 1 - v$  - ն, m-ը և n-ը՝ ծակոտկենության ֆունկցիաները և պարամետրերն են, v–ն և  $v_0$  -ն՝ նյութի ընթացիկ ու սկզբնական ծակոտկենությունները։ [7]–ում (10)–ի համաձայն՝ եռակալված նյութի տարբեր ծակոտկենությունների դեպքերում հոսունության սահմանի  $\sigma_{hv}$  լարումներն արտահայտվում են ծակոտկեն նյութի հիմնանյութի հոսունության սահմանի  $\sigma_b$  լարումով և ծակոտկենության  $\beta^{n+0.5}$  ֆունկցիայով։ Դրանք որոշվում են հետևյալ բանաձևով [4,6,7]՝

$$\sigma_{hv} = \sigma_h \cdot \beta^{n+0.5}$$
(11)

Հետևաբար, եռակալված խողովակների դեպքում (8) – ի փոխարեն անհրաժեշտ կլինի օգտագործել հետևյալ բանաձևերը՝

$$\sigma_m = \bar{\sigma}_m \ \beta^{n+0.5} \ m_1 \ \sigma_h \ l \ \sigma_\theta = \bar{\sigma}_\theta \ \beta^{n+0.5} \ m_1 \ \sigma_h : \tag{12}$$

Ինչ վերաբերում է խողովակի նյութի սկզբնական ծակոտկենության փոփոխման արժեքների որոշմանը, ապա անհրաժեշտ կլինի օգտագործել նաև ԾՆՊԴՏ հետևյալ հավասարումները՝

$$\varepsilon_{\theta} = \frac{\varepsilon_{eq}}{2\beta^{3n}\sigma_{eq}} \left[ 2\sigma_{\theta} - \sigma_{m} + 2\alpha^{m} (\sigma_{\theta} + \sigma_{m}) \right], \tag{13}$$

$$\nu = 1 - (1 - \nu_0) \exp\left(-\frac{9\alpha_0^m \sigma_0 \varepsilon_{eq}}{\beta^{3n} \sigma_{eq}}\right), \tag{14}$$

որտեղ  $\sigma_0 = (\sigma_m + \sigma_\theta)/3$  – ն միջին լարումն է,  $\mathcal{E}_{eq}$  - ը և  $\mathcal{O}_{eq}$  - ը՝ համարժեքային դեֆորմացիան և լարումը։ Օգտագործելով (13) – ը, կստանանք՝

$$\varepsilon_{eq} = \frac{2\beta^{3n}\sigma_{eq}\varepsilon_{\theta}}{3[\sigma_{\theta} - (1 - 2\nu_0^m)\sigma_0]} :$$
(15)

Գործնական կարևոր նշանակություն ունի խողովակի դեֆորմացման տարբեր աստիձաներում  $\mathcal{E}_{eq}$  - ի արժեքների որոշումը նյութի տարբեր ծակոտկենությունների դեպքում։ Աղ. 2 – ում և նկ. 2 – ում բերված են  $\mathcal{E}_{eq}$  - ի (15) բանաձևով կատարված հաշվարկային տվյալները ծակոտկենության բացակայության (v=0) և աոկայության (v=0.05 և v=0.1) դեպքերում, ինչի իրագործման համար օգտագործվել են նաև (6), (7) և (12) բանաձևերով կատարված հաշվարկային տվյալները (աղ. 1)։ Աղ. 2–ում և նկ. 2–ում բերված են նաև (9) բանաձևով որոշվող  $\mathcal{E}_i$  դեֆորմացիաների ինտենսիվության տվյալները։ Դրանց համեմատությունը ցույց է տալիս, որ փոքր դեֆորմացիաների դեպքում  $\mathcal{E}_i$  - ի և  $\mathcal{E}_{eq}$  - ի արժեքները բավականին մոտ են մեկը մյուսին։ Հետևաբար, առաջանում է անհրաժեշտություն` գնահատելու դրանց մեծությունները։

Աղյուսակ 2

r/ro	εί	$\epsilon_{eq}(v=0)$	ε <sub>eq</sub> (v=0.05)	ε <sub>eq</sub> (v=0.1)
1	0	0	0	0
0,95	0,059	0,053	0,048	0,045
0,90	0,122	0,111	0,103	0,095
0,85	0,188	0,177	0,164	0,152
0,80	0,258	0,251	0,234	0,218
0,75	0,332	0,336	0,316	0,296
0,70	0,412	0,434	0,411	0,388
0,65	0,497	0,549	0,524	0,499
0,60	0,59	0,686	0,661	0,636
0,55	0,69	0,853	0,832	0,811
0,50	0,8	1,061	1,052	1,042

Mпղпվшկի դեpпришgишu տшрpեр шиտр $\Delta$ шubեрп $\iota$ и  $\varepsilon_i$  l  $\varepsilon_{eq}$  տվjшlbեрр



 $\mathcal{U}_{i}$  2.  $\varepsilon_{i}$  և  $\varepsilon_{eq}$  дршֆիկները խողովшկի դեֆորմացման տարբեր шиտիճաններում, երբ փոքր դեֆորմացիաները գտնվում են r/r0 =0,65 - ի ձախ մասում

Աղ. 3–ում և 4–ում բերված են (9) և (15) բանաձևերով հաշված  $\mathcal{E}_i$ -ի և  $\mathcal{E}_{eq}$ -ի արժեքները (դրանք համապատասխանաբար նշանակված են a, b, c և d տառերով) շփման բացակայության և առկայության դեպքերում, ինչպես նաև դրանց բացարձակ և տոկոսային տարբերությունները։

Աղ. 2-4 – ի և նկ. 2 – ի տվյալները ցույց են տալիս.

1. a =  $\mathcal{E}_i$  -ի և b=  $\mathcal{E}_{eq}$  -ի արժեքները մինչև  $r/r_0 \approx 0.65$ , այսինքն`  $\mathcal{E}_i = \mathcal{E}_{eq} \approx 0.5$  պլաստիկ դեֆորմացիան, բավականին մոտ են մեկը մյուսին, ինչը նշանակում է, որ փոքր դեֆորմացիաների դեպքում (14) բանաձևում  $\mathcal{E}_{eq}$  - ի փոխարեն կարելի է օգտագործել  $\mathcal{E}_i$  - դեֆորմացիաների ինտենսիվության արժեքը,

2. b, c և d – ի մեծությունների փոքր տարբերությունը բացատրվում է այդ դեպքերում նյութի տարբեր սկզբնական ծակոտկենությունների հաշվառմամբ։

Ծակոտկեն նյութերի պլաստիկության դեֆորմացիոն տեսության ծակոտկենության որոշման (14) բանաձևը, երբ  $\alpha_0 = \nu_0, \ \beta = 1 - \nu_0$ գրենք հետևյալ տեսքով՝

$$\nu = 1 - (1 - \nu_0) \exp\left(-\frac{9\nu_0^m \sigma_0 \varepsilon_{eq}}{(1 - \nu_0)^{3n} \sigma_{eq}}\right):$$
(16)

#### Աղյուսակ 3

	$f = 0, \alpha = 14^{\circ}$													
r/ro		b =eeq	C =Eeq	d =Eeq										
	$a = \epsilon i$	v=0	v=0.05	v=0.1	b-a	%	c-b	%	d-c	%				
1	0	0	0	0	0	0	0	0	0	0				
0,875	0,154	0,143	0,132	0,123	-0,011	7,1	-0,011	7,4	-0,010	7,5				
0,750	0,332	0,336	0,316	0,296	0,004	1,2	-0,021	6,1	-0,020	6,2				
0,625	0,543	0,614	0,589	0,563	0,072	13,2	-0,025	4,1	-0,026	4,3				
0,500	0,800	1,061	1,052	1,042	0,260	32,5	-0,009	0,8	-0,010	1,0				

 $\mathcal{E}_i$  - ի և  $\mathcal{E}_{eq}$  - ի արժեքները շփման բացակայության դեպքում

Աղյուսակ 4

 $\mathcal{E}_i$  - h и  $\mathcal{E}_{eq}$  - h шрдhрuhр 2hиши шрuулгhуши дhирлги

	$f = 0.1, \alpha = 14^{\circ}$													
<b>r/r</b> 0		b =ε <sub>eq</sub>	C =Eeq	d =eeq										
	a = ei	<b>v=0</b>	v=0.05	<b>v=0.1</b>	b-a	%	c-b	%	d-c	%				
1	0	0	0	0	0	0	0	0	0	0				
0,875	0,154	0,147	0,137	0,127	-0,007	4,7	-0,010	7,0	-0,010	7,1				
0,750	0,332	0,355	0,337	0,319	0,023	6,9	-0,018	5,2	-0,018	5,4				
0,625	0,543	0,671	0,655	0,639	0,129	23,7	-0,016	2,4	-0,017	2,6				
0,500	0,800	1,203	1,232	1,264	0,402	50,3	0,029	2,4	0,032	2,6				

(16) բանաձևով թվային հաշվարկներ կատարելու համար անհրաժեշտ է ունենալ միջին լարման՝  $\sigma_0 = (\sigma_1 + \sigma_2 + \sigma_3)/3$ , լարումների և դեֆորմացիաների համարժեքայինների արժեքները։ Ընդունենք, որ նյութը չամրացող է, այսինքն՝  $\sigma_{eq} = \sigma_{hv}$ , և դեֆորմացիաների համարժեքայինը փոխարինում ենք դեֆորմացիաների ինտենսիվությամբ՝  $\mathcal{E}_{eq} = \mathcal{E}_i$ : Թվային հաշվարկները կատարվել են  $a = \mu * ctg \alpha$  պարամենտի 0 և 0.4 արժեքների համար բարակապատ խողովակների նյութի սկզբնական ծակոտկենության 5% և 10% - ի դեպքերում։

Oqwuqnpödlı է MS EXEL öpuqpujhu úhջաdujpp: Un. 5 - nıú բերված են բարակապատ խողովակների չափազուրկ  $\sigma_1/mY$ ,  $\sigma_{\theta'} mY$ ,  $\sigma_{0'} mY$  լարումների, ինչպես նաև  $\varepsilon_{\theta}$  - h,  $\varepsilon_i$  - h u v - h r/r<sub>0</sub> հարաբերությունից կախված փոփոխության արժեքները, երբ տրված են դրանց շփման բացակայության (f = 0) և առկայության (f = 0.1) դեպքերում կորզանման տեխնոլոգիական գործընթացի հետևյալ պարամետրերի մեծությունները՝ m=1, n=0.25 և  $\alpha=14^{0}$ : Նկ. 3 - ում ցույց են տրված բարակապատ խողովակների նյութի v ծակոտկենության փոփոխության գրաֆիկները՝  $r/r_0$  – ից կախված նյութի 5 և 10% սկզբնական ծակոտկենությունների դեպքերում։

#### Աղյուսակ 5

$r/r_0$	۶A	۶i		f=	=0, α=	14º			f =	f = 0.1, α= 14 <sup>0</sup>				
1/10	ů	Ci	$\bar{\sigma}_m$	$\bar{\sigma}_{ heta}$	$\bar{\sigma}_0$	<b>V</b> 0.1	V0.05	$\bar{\sigma}_m$	$ar{\sigma}_{ heta}$	$\bar{\sigma}_0$	ν	ν		
1	0	0	0	-1	-0,33	0,1	0,050	0	-1	-0,33	0,1	0,050		
0,95	-0,051	0,059	0,05	-0,95	-0,30	0,084	0,042	0,07	-0,93	-0,29	0,085	0,042		
0,90	-0,105	0,122	0,11	-0,89	-0,26	0,072	0,036	0,14	-0,86	-0,24	0,074	0,037		
0,85	-0,163	0,188	0,16	-0,84	-0,23	0,062	0,031	0,22	-0,78	-0,19	0,069	0,034		
0,80	-0,223	0,258	0,22	-0,78	-0,18	0,057	0,029	0,30	-0,70	-0,13	0,069	0,035		
0,75	-0,288	0,332	0,29	-0,71	-0,14	0,058	0,029	0,38	-0,62	-0,08	0,076	0,038		
0,70	-0,357	0,412	0,36	-0,64	-0,10	0,065	0,032	0,47	-0,54	-0,02	0,092	0,046		
0,65	-0,431	0,497	0,43	-0,57	-0,05	0,080	0,040	0,55	-0,45	0,04	0,116	0,058		

Եռակալված բարակապատ խողովակների կոնական մամլամայրում կորզանման դեպքում լարվածադեֆորմացիոն վիճակի բաղադրիչները, երբ v₀ = 5 և 10%



Նկ. 3. Խողովակների նյութի սկզբնական vo = 5 և 10% ծակոտկենությունների փոփոխությունների գրաֆիկները r/ro – ից կախված՝ f = 0 (1 և 3 կորերը) և f = 0.1 (2 և 4) դեպքերում

#### Եզրակացություն

1. Ուսումնասիրվել է եռակալված տարբեր նյութերից բարակապատ խողովակների կոնական մամլամայրում կորզանման գործընթացի լարվածադեֆորմացիոն վիճակը շփման բացակայության և առկայության պարագայում՝ օգտագործելով դրանց տարբեր ծակոտկենությունների դեպքերում հոսունության սահմանների  $\sigma_{hv}$  լարումները՝ արտահայտված եռակալված նյութերից խողովակների հիմնանյութի  $\sigma_h$  - ով և ծակոտկեն նյութերի պլաստիկության դեֆորմացիոն տեսության ծակոտկենության երկրորդ ֆունկցիայով։ 2. Առաջարկվում է խողովակի դեֆորմացման աստիձանը որոշել ոչ միայն  $\mathcal{E}_i$  դեֆորմացիաների ինտենսիվությամբ, այլ նաև դեֆորմացիաների համարժեքայինով  $\varepsilon_{eq}$ , որի համար ստացվել է լարվածային վիձակի բաղադրիչները հաշվի առնվող բանաձն։ Դրանցով կատարված հաշվարկային տվյալները ծակոտկենության բացակայության և առկայության դեպքերում ցույց են տալիս, որ փոքր դեֆորմացիաների դեպքերում դրանց արժեքները, մինչև  $\varepsilon_i \approx 0,5$  պլաստիկ դեֆորմացիան, բավականին մոտ են մեկը մյուսին, ինչը նշանակում է, որ այդ դեպքերում  $\mathcal{E}_{eq}$  - ի փոխարեն կարելի է օգտագործել ավելի հեշտ որոշվող  $\mathcal{E}_i$  - ի տվյալները:

3. Թվային հաշվարկները կատարվել են MS EXEL ծրագրային միջավայրում  $\alpha = 14^{\circ}$  կոնականությամբ մամլամայրում բարակապատ խողովակների կորզանման, հպակային շփման f (0 և 0,1), խողովակների նյութի սկզբնական ծակոտկենության v<sub>0</sub> (5 և 10%) դեպքերում։ Ստացվել են խողովակների չափազուրկ լարումների, ինչպես նաև  $\varepsilon_{\theta}$  - ի,  $\varepsilon_i$  - ի և v – ի  $r/r_0$  հարաբերությունից կախված փոփոխության արժեքները, որոնք հնարավոր կլինի կիրառել գործարանային և լաբորատոր պայմաններում։

### ԳՐԱԿԱՆՈՒԹՅԱՆ ՑԱՆԿ

- 1. **Малинин Н.Н.** Прикладная теория пластичности и ползучести. М.: Машиностроение, 1975.- 400 с.
- 2. Джонсон У., Меллор П.Б. Теория пластичности для инженеров. М.: Машиностроение, 1979.- 567 с.
- 3. Сторожев М.Б., Попов Е.А. Теория обработки металлов давлением. -М.: Машиностроение, 1977. -423с.
- 4. **Петросян Г.Л.** Пластическое деформирование порошковых материалов.- М.: Металлургия, 1988.-153с.
- Petrosyan G.L., Hambardzumyan A.F. Investigation of porous materials processing in conic dies // NATO Workshop. Recent Developments in Computer Modelling of Powder Metallurgy Process.- Kiev, 2000.- IOS Press, Amsterdam. NATO Science. Series III.- 2001.- Vol 176.- P.204-216.
- Петросян Г.Л., Петросян А.С. Левонян Г.Л. Усовершенствование инженерного метода использования формулы для определения пористости спеченных материалов // Материалы секции "Наука и технологии будущего" Международного конгресса, посвященного 160-летию со дня рождения выдающегося русского инженера В.Г. Шухова, 17-18 апреля 2014 года. – М.: МГТУ им. Н.Э. Баумана, 2014.- С. 211-217.
- Петросян Г.Л., Акопян Н.Г., Левонян Г.Л. Исследование напряженного состояния изогнутой спеченной широкой полосы // Вестник НПУА: Механика, Машиноведение, Машиностроение.-Ереван, 2018.- N1.- С. 9-17.

Հայաստանի ազգային պոլիտեխնիկական համալսարան։ Նյութը ներկայացվել է խմբագրություն 12.02.2019։

## Г.Л. ПЕТРОСЯН, М.А. МАРГАРЯН, Г. Г. ВАРДАНЯН, А.А. БАБАЯН ИССЛЕДОВАНИЕ ПРОЦЕССА ВОЛОЧЕНИЯ ТОНКОСТЕННОЙ СПЕЧЕННОЙ ТРУБЫ ЧЕРЕЗ КОНИЧЕСКУЮ МАТРИЦУ

Упрощенным методом исследовано напряженно-деформированное состояние процесса волочения через коническую матрицу тонкостенных труб из различных спеченных материалов при отсутствии и наличии трения. Применяется метод, в соответствии с которым используются напряжения пределов текучести при различной пористости спеченных материалов, которые являются функцией напряжения предела текучести вещества материала и их пористости. Предлагается определить степень деформации трубы не только интенсивностью деформации  $\varepsilon_i$ , но и эквивалентной деформацией  $\varepsilon_{eq}$ , для чего была получена формула, учитывающая компоненты напряженного состояния. Расчеты, выполненные при отсутствии и наличии пористости, показывают, что при малых деформациях их значения до 50% пластической деформации довольно близки друг к другу. Это означает, что в формуле определения текущей пористости материала можно использовать данные более простого  $\varepsilon_i$  сплошного материала. Численные расчеты были выполнены в программной среде MS EXCEL в случае волочения тонкостенных труб через матрицу конусностью 14<sup>0</sup>.

*Ключевые слова:* тонкостенная труба, волочение, спеченный материал, пористость, вещество материала, безразмерные напряжения, малые деформации.

## G.L. PETROSYAN, M.A. MARGARYAN, G. VARDANYAN, A.A. BABAYAN INVESTIGATIING THE PROCESS OF DRAWING OF A THIN-WALLED SINTERED PIPE THROUGH A CONICAL MATRIX

By a simplified method, the stress-strain state of the drawing process of thin-walled pipes through a conical matrix from various sintered materials at the absence and presence of a sliding friction is investigated. A method is used, according to which the stresses of the yield points at a varying porosity of sintered materials which are a function of the stress of the yield point of the material substances and their porosity are used. It is proposed to define the degree of deformation of a pipe not only by the  $\varepsilon_i$  deformation intensity, but also by the  $\varepsilon_{eq}$  equivalent deformation for which the formula considering the stress state components is received. The calculations performed at the absence and presence of porosity show that at small deformations, their values up to 50% of plastic deformation are quite close to each other. It means that in the formula definition, the porosity of the material data of a simpler formula  $\varepsilon_i$  of continuous materials can be used. Numerical calculations were carried out in the MS EXCEL program environment in case of drawing thin-walled pipes through a matrix of taper 14<sup>0</sup>.

*Keywords:* thin-walled pipe, drawing, sintered material, porosity, material substance, dimensionless stress, small deformations.